



SLUŽBENI GLASNIK

OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina LV - Broj 1 Utorak, 01.02.2022.godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
---	--	--

Na osnovu člana 14. stav 4., a u vezi sa članom 16. stav 4. i 5. Zakona o eksproprijaciji ("Službene novine FBiH", br. 70/07, 36/10, 25/12 i 34/16) i člana 14. Statuta općine Tešanj ("Službeni glasnik Općine Tešanj", br. 11/07), Općinsko vijeće Općine Tešanj, na redovnoj 13. sjednici održanoj, dana 31.1.2022.godine, rješavajući po prijedlogu Općinskog pravobranilaštva Općine Tešanj, za utvrđenje javnog interesa za izgradnju probnog eksploatacionog bunara PEB-5 na lokalitetu zv. "Bobarsko Polje", donosi

ODLUKU

1. UTVRĐUJE SE DA JE OD JAVNOG INTERESA izgradnja probno-eksploatacionog bunara PEB-5, sa laterarnim vodovima koji je lociran na lokalitetu zv. "Bobarsko Polje", Općina Tešanj, te da se prema tehničkim normativima može pristupiti eksproprijaciji na nekretninama u privatnoj svojini odnosno ograničavanju prava korištenja istih te prijenosu prava na nepokretnostima u korist korisnika eksproprijacije, Općine Tešanj, na nekretninama, koje su označene kao;

-k.č. br. 1415 zvana "Jazovi" njiva 4. klase, površine 1970 m2 upisna u PL. br. 1246 K.O. Piljužići, - k.č. br. 1416 zvana "Jazovi" njiva 4. klase, površine 5829 m2 upisana u PL broj. 259 K.O. Piljužići
- k.č. br. 494 zvana "Vrbak" šuma 4. klase, površine 325 m2 upisana u PL br. 228 K.O. Bobare,
- k.č. br. 1408 zvana "Jazovi" njiva 3. klase, površine 3864 m2 upisana u PL br. 913 K.O. Piljužići,

- k.č. br. 1409 zvana "Jazovi" njiva 2. klase, površine 3646 m2 upisana u PL br. 119 K.O. Piljužići,
- k.č. br. 1411 zvana "Jazovi" njiva 3. klase, površine 3747 m2 upisana u PL br. 1159 K.O. Piljužići, - k.č. br. 1412 zvana "Jazovi, njiva 4. klase, površine 3045 m2 upisana u PL br. 404 K.O. Piljužići,
-k.č. br. 1423 zvana "Jazovi" njiva 4. klase, površine 2998 m2 upisana u PL broj. 505 K.O. Piljužići,
-k.č. br. 1429 zvana "Ada" njiva 3. klase, površine 1562 m2 upisana u PL broj. 263 K.O. Piljužići,
-k.č. br. 1432 zvana "Ada" njiva 3. klase, površine 4712 m2 upisana u PL broj. 506 K.O. Piljužići,
-k.č. br. 1433 zvana "Golubovac" potok, površine 795 m2 upisana u PL broj. 124 K.O. Piljužići,
-k.č. br. 1435 zvana "Ada" njiva 3. klase, površine 835 m2 upisana u PL broj. 506 K.O. Piljužići,
-k.č. br. 1455 zvana "Jasik" njiva 2. klase, površine 2347 m2 upisana u PL broj. 417 K.O. Piljužići,
-k.č. br. 1462/1 zvana "Hakinka" njiva 3. klase, površine 4305 m2 upisana u PL broj. 1290 K.O. Piljužići,
-k.č. br. 1462/2 zvana "Hakinka" prilazni put, površine 164 m2 upisana u PL broj. 916 K.O. Piljužići,
-k.č. br. 1472/1 zvana "Vrba" oranica 3. klase, površine 4192 m2 upisana u PL broj. 1267 K.O. Piljužići,

-k.č. br. 1472/2 zvana "Vrba" prilazni put, površine 35 m2 upisana u PL broj. 916 K.O. Piljužići,
-k.č. br. 1473 zvana "Vrba" njiva 2. klase, površine 4407 m2 upisana u PL broj. 9 K.O. Piljužići
-k.č. br. 1520 zvana "Krčevine" nekategorisani put, površine 12910 m2 upisana u PL broj. 123 K.O. Piljužići.
2. Utvrđuje se da je Općina Tešanj korisnik eksproprijacije nekretnina potrebnih za izgradnju probnog-eksploatacionog bunara PEB-5, Općina Tešanj.

3. Sredstva za eksproprijaciju nekretnina i isplatu naknade vlasnicima obezbjeđena su u budžetu Općine Tešanj.

4. Sastavni dio ove Odluke je kopija katastarskog plana sa prikazanim parcelama, navedenim kao u Tački 1. ove Odluke.

5. Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Amir Kurtić, s. r.**

Broj: 01-27-3-207-8/22

Datum: 01.02.2022.godine

Na osnovu člana 2.12 stav (5) i (6) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14, 31/16 i 41/20), člana 7. tačka g) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini, prečišćeni tekst ("Službeni glasnik BiH", broj 29/18 i 36/19) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj 13. sjednici održanoj dana: 31.01.2022.godine donosi

RJEŠENJE

o imenovanju 3 (tri) člana Općinske izborne komisije Tešanj

I

Imenuju se 3 člana Općinske izborne komisije na mandatni period od 7 godina, u sljedećem sastavu:

- Halilović Bećir, predsjednik
- Kulić Darko, član
- Alić Bedak Azra, član

II

Zadatak Općinske izborne komisije je da: nadgleda i kontroliše rad Centra za birački spisak iz člana 3.8 Izbornog zakona BiH; određuje biračka mjesta na području općine za glasanje na svim nivoima vlasti u Bosni i Hercegovini; provodi postupak imenovanja, imenuje i obučava članove biračkog odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Centralne izborne komisije BiH; odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH; obavlja druge poslove u skladu sa zakonima, kao i propisima Centralne izborne komisije BiH.

III

Komisija ostvaruje pravu na stalnu mjesečnu naknadu za svoj rad.
Visinu naknade utvrđuje Centralna izborna komisija BiH svojim propisom.

IV

Ovo rješenje će se primjenjivati nakon dostavljanja saglasnosti Centralne izborne komisije, a objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Amir Kurtić, s. r.**

Broj: 01-04-2-1597-28/21

Datum: 01.02.2022.godine

Na osnovu člana 2.12 Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16, 41/20), člana 7. Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21 i 1/22) i člana 14. Statuta Općine Tešanj („Službeni glasnik Općine Tešanj“ broj 11/07), Općinsko vijeće Općine Tešanj, na 13. sjednici održanoj 31.1.2022. godine, donosi

ODLUKU

o objavljivanju javnog oglasa za imenovanje jednog člana Općinske izborne komisije Tešanj

Član 1.

Donosi se Odluka o objavljivanju javnog oglasa za imenovanje 1 (jednog) člana Općinske izborne komisije Tešanj na mandatni period od 7 (sedam) godina.

Sastavni dio ove Odluke je tekst javnog oglasa za imenovanje 1 (jednog) člana Općinske izborne komisije Tešanj.

Član 2.

Postupak po objavljenom Javnom oglasu provodit će Konkursna komisija, a ovlašćuje se Općinski načelnik da posebnim rješenjem imenuje Konkursnu komisiju koja će ispunjavati potrebne uslove i koja će provesti proceduru u skladu sa Uputstvom o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“ broj: 67/21 i 73/21) i Izbornim zakonom BiH.

Član 3.

Konkursna komisija u svom radu dužna je pridržavati se odredaba Izbornog zakona Bosne i Hercegovine uz dosljednu primjenu odredaba člana 2.14 stav (1) koje se odnose na multietični sastav Općinske izborne komisije odnosno ravnopravnu zastupljenost spolova.

Član 4.

Komisija za izbor i imenovanja dužna je da se prilikom provođenja postupka po javnom oglasu pridržava odredbi člana 9. i 10. Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini,

a koji definišu klasifikaciju kandidata, intervju, bodovanje i utvrđivanje rang liste kandidata.

Član 5.

Kandidati za člana Općinske izborne komisije pored općih uvjeta iz člana 2.2 stav (1) i (2) Izbornog zakona Bosne i Hercegovine moraju ispunjavati i posebne uvjete propisane članom 2., 3. i 4. Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini.

Član 6.

Javni oglas iz člana 1. ove Odluke objavit će se u dnevnom listu „Oslobođenje“, na web stranici Općine Tešanj i oglasnoj ploči Općine. Javni oglas će biti otvoren 8 dana od dana objavljivanja u dnevnom listu.

Član 7.

Ova Odluka stupa na snagu sljedećeg dana od dana objavljivanja u Službenom glasniku Općine Tešanj.

OPĆINA TEŠANJ OPĆINSKO VIJEĆE

PREDSJEDAVALAČI VIJEĆA Amir Kurtić, s. r.

Broj: 01-45-1-128-2/22

Datum: 1.2.2022. godine

Na osnovu člana 2.12 Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u BiH („Službeni glasnik BiH“, broj: 67/21, 73/21 i 1/22) i Odluke o objavljivanju javnog oglasa za imenovanje jednog člana Općinske izborne komisije Tešanj, Općinsko vijeće Općine Tešanj, raspisuje

JAVNI OGLAS za imenovanje jednog člana Općinske izborne komisije Tešanj

I

Objavljuje se javni oglas za imenovanje 1 (jednog) člana Općinske izborne komisije Tešanj.

Člana Općinske izborne komisije imenuje Općinsko vijeće, uz saglasnost Centralne izborne komisije Bosne i Hercegovine na period od 7 (sedam) godina, od dana davanja saglasnosti Centralne izborne komisije Bosne i Hercegovine.

II

Kandidat za člana Općinske izborne komisije treba ispunjavati sljedeće opće uslove:

1. da je osoba sa pravom glasa;
2. da je osoba sa odgovarajućom stručnom spremom.

III

Pored uslova iz člana 2. ovog oglasa, osoba koja je kandidat za člana Općinske izborne komisije mora ispunjavati sljedeće posebne uslove:

- a) da ima prebivalište na području Općine Tešanj;
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji i/ili
- b) članstvo u biračkom odboru na izborima obuhvaćenim Izbornim zakonom BiH.

IV

Sastav općinske izborne komisije mora biti multietničan tako da odražava zastupljenost konstitutivnih naroda, uključujući i ostale vodeći računa o posljednjem popisu stanovništva provedenom na državnom nivou.

(2) U sastavu izborne komisije nastojaće se obezbijediti zastupljenost spolova u skladu sa Zakonom o ravnopravnosti spolova u BiH.

V

U skladu sa članom 2.3 Izbornog zakona BiH, za člana Općinske izborne komisije ne može biti imenovana osoba:

1. koja se ne može kandidirati u smislu odredbi članova 1.6., 1.7 i 1.7a Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog organa vlasti, osim u slučajevima

predviđenim članom 2.12 stav (4) Izbornog zakona BiH;

4. koja je kandidat za izbore za bilo koji nivo vlasti;
5. kojoj je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

VI

Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

Član izborne komisije ne može biti lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno lice koje je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine.

VII

Na javni oglas potrebno je dostaviti slijedeću dokumentaciju:

1. prijava na javni oglas koja sadrži: kontakt podatke podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. ovjerenu diplomu o stečenoj stručnoj spremi kandidata;
3. dokaz o posjedovanju iskustva kandidata u provođenju izbora;
4. obrazac PBA-3 o prebivalištu, ne starije od tri mjeseca;
5. izjavu o nacionalnom izjašnjenju kandidata-imenovanog člana izborne komisije sa posljednjeg popisa stanovništva u Bosni i Hercegovini, svojeručno potpisanu i ovjerenu kod nadležnog organa,;
6. izjavu da nije obuhvaćen odredbama tačka V ovog oglasa (odredbama člana 2.3 Izbornog zakona BiH), svojeručno potpisanu i ovjerenu od strane nadležnog organa;
7. izjavu o nepostojanju smetnji iz tačke VI ovog oglasa (član 2.12 stav (7) Izbornog zakona BiH), svojeručno potpisanu i od nadležnog organa ovjerenu

8. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH, (ukoliko kandidat posjeduje navedeno).

VIII

Ovaj javni oglas će se objaviti u dnevnim novinama „Oslobođenje“, na web stranici Općine Tešanj (www.opcina-tesanj.ba) i oglasnoj ploči Općine.

Obrasci izjava iz tačke VII ovog oglasa, pod rednim brojem 5., 6. i 7. kandidati mogu se preuzeti na internet stranici Općine Tešanj i šalterima Općine.

Rok za podnošenje prijave je 8 dana od dana objave u dnevnim novinama „Oslobođenje“.

Lista pitanja za intervju sa kandidatima bez odgovora na pitanja objavljena je na internet stranici Centralne izborne komisije Bosne i Hercegovine.

Prijavu na ovaj javni oglas dostaviti preporučeno poštom, ili na protokol Općine, u zatvorenoj koverti sa naznakom:

„JAVNI OGLAS ZA IMENOVANJE ČLANA OPĆINSKE IZBORNE KOMISIJE – NE OTVARAJ, predmet broj **01-45-1-128/22**“ na adresu: Općina Tešanj, Trg Alije Izetbegovića 1, 74260 Tešanj

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-128-3/22

Datum: 1.2.2022. godine

Općinsko vijeće Tešanj je na svojoj 13. sjednici održanoj dana 31.1.2022. godine, razmatrajući Izvještaj o realizaciji Plana kapitalnih ulaganja za 2021. godinu, donijelo sljedeći

ZAKLJUČAK

Usvaja se Izvještaj o realizaciji Plana kapitalnih ulaganja za 2021. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-1267-2/21

Datum: 1.2.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Izvještaj o realizaciji Plana kapitalnih ulaganja za 2021. godinu, na prijedlog vijećnika Kršić Bobana, donijelo sljedeći

ZAKLJUČAK

Da se uradi pregled kapitalnih ulaganja po Mjesnim zajednicama za period 2018.-2022.godina i isti dostavi uz Izvještaj o radu Mjesnih zajednica za 2021. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-1267-3/21

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Izvještaj o realizaciji Plana kapitalnih ulaganja za 2021. godinu, na prijedlog vijećnika Kršić Bobana, donijelo sljedeći

ZAKLJUČAK

Da se uradi pregled stanja po Mjesnim zajednicama koji bi sačinjavao sljedeće:

1. dužina asfaltnih i makadamskih javnih puteva tj. dužina i procent u odnosu na ukupnu dužinu puteva u MZ,

i isto dostaviti uz izvještaj o radu MZ za 2021.godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-1267-4/21

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.1.2022. godine, razmatrajući Izvještaj o radu Općinskog pravobranilaštva za 2021. godinu, donijelo sljedeći

Z A K L J U Č A K

Usvaja se Izvještaj o radu Općinskog pravobranilaštva za 2021. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-07-9-Up-01-2/22

Datum: 1.2.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Izvještaj Općinskog načelnika za 2021. godinu, donijelo sljedeći

Z A K L J U Č A K

Usvaja se Izvještaj Općinskog načelnika za 2021. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-45-2-159-2/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o stanju u poljoprivredi i realizaciji Programa novčanih podsticaja u 2021. godini, donijelo sljedeći

Z A K L J U Č A K

Prima se na znanje Informacija o stanju u poljoprivredi i realizaciji Programa novčanih podsticaja u 2021. godini.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-20-4-156-2/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2021. godinu, donijelo sljedeći

Z A K L J U Č A K

Prima se na znanje Informacija o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2021. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-45-2-79-2/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2021. godinu, na prijedlog vijećnika Kurdić Adema donijelo sljedeći

Z A K L J U Č A K

Da nadležno Ministarstvo unutrašnjih poslova obezbijedi neophodnu potrebnu podršku Policijskoj stanici Tešanj na polju kadrovske popunjenosti sa potrebnim brojem policajaca, a na osnovu trenutne sistematizacije radnih mjesta u MUP-u ZDK, a sve u cilju kvalitetnijeg rada naše policije i veće bezbjednosti naših građana.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-45-2-79-3/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., donijelo sljedeći

ZAKLJUČAK

Prima se na znanje Informacija o isporuci toplotne energije JP Toplana Tešanj u sezoni 2021/22.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-13-1-196-2/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., na prijedlog vijećnika Deljić Nermina, donijelo sljedeći

ZAKLJUČAK

Očekuje se da JU i JP organizuju dodatnu edukaciju o Javnim nabavkama.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-13-1-196-3/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., na prijedlog vijećnika Hasanbašić Senada, donijelo sljedeći

ZAKLJUČAK

U toku ove godine maksimalno se posvetiti obezbjeđenju potrebnih uslova i ubrzati radnje na zamjeni kotlova.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-13-1-196-4/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., donijelo sljedeći

ZAKLJUČAK

Da se dnevno objavljuje izlazna/povratna temperatura, (4 puta u toku dana) na mjernom mjestu Toplane.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Amir Kurtić, s. r.

Broj: 01-13-1-196-8/22

Datum: 01.02.2022. godine

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., na prijedlog vijećnika Hodžić Enesa, donijelo sljedeći

ZAKLJUČAK

U Godišnjem izvještaju prema Općinskom vijeću dostaviti podatke o broju korisnika, kapacitetu kotlova, rezervisanoj količini toplotne energije po korisniku (površini ili zapremeni grijanog prostora), planu proširenja kapaciteta kotlovnica, planu širenja mreže sa rokovima realizacije istih.

Izraditi plan rada u eventualnim, budućim kriznim situacijama (alternativna nabavka energenata...) te iste dostaviti Općinskom vijeću na uvid u sklopu godišnjeg izvještaja o radu JP Toplana Tešanj.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj: 01-13-1-196-6/22****Datum: 01.02.2022. godine**

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., na prijedlog vijećnika Hodžić Enesa, donijelo sljedeći

ZAKLJUČAK

Izraditi plan rada u eventualnim, budućim kriznim situacijama (alternativna nabavka energenata, alternativni energenti, plan angažmana više prijevoznika), te iste dostaviti Općinskom vijeću na uvid u sklopu godišnjeg izvještaja o radu JP Toplana Tešanj.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj: 01-13-1-196-7/22****Datum: 01.02.2022. godine**

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o isporuci toplotne energije JP Toplana Tešanj u sezoni 2021/22., na prijedlog vijećnika Hodžić Enesa, donijelo sljedeći

ZAKLJUČAK

Uputiti zahtjev menadžmentu i Nadzornom odboru JP Toplana Tešanj za smanjenje računa za isporuku toplotne energije proporcionalno prema smanjenju isporuke do normalizacije isporuke toplotne energije.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj: 01-13-1-196-5/22****Datum: 01.02.2022. godine**

Općinsko vijeće Tešanj je na svojoj 13. sjednici održanoj dana 31.01.2022. godine, razmatrajući Informaciju o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama. donijelo sljedeći

ZAKLJUČAK

Prima se na znanje Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Amir Kurtić, s. r.****Broj: 01-31-1-2989-2/21****Datum: 01.02.2022. godine**

Na osnovu člana 30. Statuta Općine Tešanj („Službeni glasnik Općine Tešanj“ broj11/07) Općinski načelnik donosi:

ODLUKU

o prihvatanju preporuka iz izvještaja o mehanizmima dobrog upravljanja i implementaciji prioritetnih mjera u Općini Tešanj

Član 1.

Prihvataju se preporuke za unapređenje u pogledu mehanizama dobrog upravljanja u Općini Tešanj identifikovane u Izvještaju o mehanizmima dobrog upravljanja, koji je izrađen u okviru Projekta „Jačanje integriteta i transparentnosti u javnom sektoru“, implementiran od strane Razvojnog programa Ujedinjenih naroda (UNDP) uz finansijsku podršku Vlade Ujedinjenog Kraljevstva.

Član 2.

Ovom odlukom daje se saglasnost za implementaciju prioriternih mjera usaglašenih sa Općinom Tešanj uz podršku UNDP-a u sklopu navedenog projekta.

Član 3.

Ova Odluka stupa na snagu danom donošenja i bit će objavljena u Službenom glasniku Općine Tešanj.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-45-1-1537-8/21

Datum: 7.2.2022. godina

Na osnovu člana 10. Stav 1. tačke d. Zakona o javnim nabavkama BiH ("Službeni glasnik BiH", broj: 39/14), a u skladu sa članom 18. stav 2. Zakona o javnim nabavkama BiH ("Službeni glasnik BiH", broj: 39/14), člana 30. Statuta općine Tešanj (Službeni glasnik općine Tešanj" broj:11/07), općinski Načelnik, donosi:

ODLUKU

o izuzimanju od primjene Zakona o javnim nabavkama

Član 1.

Nabavka: poštanskih usluga, električne energije, grijanja, usluge komunalne higijene i usluge vodovoda i kanalizacije, se izuzimaju od primjene Zakona o javnim nabavkama ("Službeni glasnik BiH", broj: 39/14)

Član 2.

Procjenjena vrijednost za 2022.godinu nabavki za:

- poštanske usluge iznose: 75.000,00 KM (slovima: sedamdesetpet hiljada i 00/100 konvertibilnih maraka),

- usluge električne energije organa uprave iznose: 56.000,00KM (slovima: pedesetšest hiljada i 00/100

konvertibilnih maraka),

- usluge električne energije za javnu rasvjetu iznose: 360.000,00KM (slovima: tristotinešestdeset hiljada i 00/100 konvertibilnih maraka),

- usluga grijanja iznosi: 106.000,00 KM (slovima: stotinušest hiljada i 00/100 konvertibilnih maraka),

- usluge vodovoda, kanalizacije i smeća iznose: 13.000,00 KM (slovima: trinaest hiljada i 00/100 konvertibilnih maraka),

- usluge komunalne higijene iznose: 300.000,00KM (slovima: tristotine hiljada i 00/100 konvertibilnih maraka).

Član 3.

Sredstva za predmetne nabavke iz člana 2. ove Odluke isplatit će se iz planiranih stavki budžeta općine Tešanj za 2022. godinu.

Član 4.

Provedene nabavke iz člana 2. ove Odluke će se redovno izvještavati na mjesečnom nivou, putem informacionog sistema „E NABAVKE“ Agencije za javne nabavke BiH, u skladu sa izvještajima, koji se odnose na izuzeće od primjene Zakona o javnim nabavkama.

Član 5.

Izvještaji iz člana 4. ove Odluke realizovat će se u roku od 30 dana od dana dostavljanja fakture od strane dobavljača.

Član 6.

Ova Odluka stupa na snagu danom donošenja a objavljuje se u "Službenom glasniku općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-02-1-151/22

Datum: 25.01.2022. godine

Na osnovu člana 15. Zakona o principima lokalne samouprave F BiH (Sl. Novine F BiH br. 49/06) i člana 30. Statuta općine Tešanj (Sl. Glasnik općine Tešanj br. 11/07), općinski Načelnik d o n o s i:

ODLUKA
o izmjeni usvojenih skraćenih rokova

Član 1.

Ovom odlukom mijenjaju se usvojeni skraćeni rokovi za pojedine administrativne procese sadržane u Odluci o izmjeni odluke o usvajanju preporuka za pojednostavljenje administrativnih postupaka broj:02-49-2-1570-16/10 od 06.11.2018.godine, kako slijedi:

Red.broj postupka	Naziv administrativnog postupka	Zakonski rok rješavanja	Usvojeni skraćeni rok
Služba za društvene djelatnosti i investicije			
1	Prijava na konkurs za dodjelu finansijske podrške školovanju	365	120
2	Zahtjev za priznavanje prava na zdravstveno osiguranje učenika/studenata	60	30
3	Zahtjev za prestanak prava na zdravstveno osiguranje učenika/studenata	60	30
4	Prestanak statusa raseljenog lica	30	20
Služba za finansije, privredu, komunalne i inspeksijske poslove			
1	Zahtjev za raskopavanje javnih površina	60	30
2	Zahtjev za izdavanje odobrenja za priključak na lokalnu cestu	60	30
3	Zahtjev za izdavanje odobrenja za priključak na nerazvrstanu cestu	60	30
4	Zahtjev za privremenu obustavu saobraćaja na lokalnoj i nerazvrstanoj cesti	60	20
5	Zahtjev za Izgradnju i rekonstrukciju objekata i instalacija na lokalnoj i nerazvrstanoj cesti unutar cestovnog zemljišta	60	20
6	Odobranje finansijskih sredstava po zahtjevu	60	15
7	Zahtjev za inspeksijski nadzor – sanitarnog inspektora po službenoj dužnosti	60	30
8	Zahtjev za izdavanje sanitarne saglasnosti	60	10
9	Zahtjev za inspeksijski nadzor-vodnog inspektora po zahtjevu stranke	60	30
10	Zahtjev za inspeksijski nadzor-komunalnog inspektora po zahtjevu stranke	60	30
11	Zahtjev za inspeksijski nadzor-građevinskog inspektora po zahtjevu stranke	60	30
12	Zahtjev za obavljanje ugostiteljske djelatnosti	60	13
13	Zahtjev za obavljanje obrta/srodne djelatnosti	60	12

14	Zahtjev za obavljanje trgovinske djelatnosti	60	13
15	Zahtjev o prestanku obavljanja djelatnosti-trgovina	60	20
16	Zahtjev za izdavanje odobrenja za obavljanje prevoza za vlastite potrebe-	60	10
17	Zahtjev o prestanku obavljanja djelatnosti-obrt	60	20
18	Zahtjev o prestanku obavljanja djelatnosti-ugostiteljstvo	60	20
19	Zahtjev za predhodnu vodnu saglasnost	60	10
20	Zahtjev za vodnu saglasnost	60	20
21	Zahtjev za vodnu dozvolu	60	30
22	Zahtjev za upis u RPG,RK	60	15
Služba za katastar, urbanizam i imovinsko-pravne poslove			
1	Urbanistička saglasnost	60	50
2	Odobrenje za građenje	60	20
3	Odobrenje za upotrebu građevine	90	45
4	Utvrdjivanje zemljišta za redovnu upotrebu	60	15
5	Prijedlog za utvrđivanje javnog interesa-nepotpuna eksproprijacija	60	50
6	Prijedlog za utvrđivanje javnog interesa-potpuna eksproprijacija	60	50
7	Uvjerenje o posjedovnom stanju	5	3
8	Kopija katastarskog plana	5	3
9	Identifikacija parcela starog i novog premjera	5	3
10	Usklađenje parcela starog i novog premjera	15	10
11	Prijava o promjeni na zemljištu za koju je potreban uviđaj	451	90
12	Prijava o promjeni na zemljištu za koju nije potreban uviđaj	451	15
13	Provođenje elaborata geodetskog snimanja komunalnih uređanja	30	15
14	Kopija plana katasta komunalnih uređaja	30	7
Služba civilne zaštite			
1	Zahtjev za gašenje požara-popis akata	Odmah	Odmah
2	Zahtjev za obezbjeđenje javnog skupa	30	7
3	Zahtjev za izdavanje uvjerenja o intervenciji gašenja požara	30	10
4	Rješenje naknade za vatrogastvo	60	59
5	Provođenje obuke iz protiv požarne zaštite u preduzećima i ustanovama	30	25
6	Prijava štete od prirodnih i drugih nepogoda	30	7

Služba za boračko-invalidsku zaštitu i opće poslove			
1	Banjsko-klimatsko liječenje boračkih kategorija	90	80
2	Korištenje naziva općine u nazivu udruženja	15	10
3	Nabavka ortopedskih i drugih pomagala i njihova opravka	90	80
4	Ponovna ocjena invalidnosti - pogoršanje stanja	120	100
5	Porodična invalidnina po zahtjevu	90	80
6	Pristup informacijama	30	15
7	Stambeno zbrinjavanje	365	150
8	Teška socijalno-ekonomska situacija	90	80
9	Zahtjev za odobravanje stipendija	365	150
10	Zahtjev za pomoć u nabavci lijekova	90	80
11	Zahtjev za pomoć u snošenju troškova dženaze	90	80
12	Dodjela prehrambenog paketa (Popis akata)	15	7
13	Jednokratna novčanu pomoć putem Organa uprave	15	7
14	Uvjerenje o statusu porodica poginulih i umrlih boraca (Popis akata)	15	1
15	Lična invalidnina	120	100
16	Zahtjev za izdavanje kopije dokumenta	15	10

Član 2.

Stupanjem na snagu ove Odluke prestaje da važi Odluka o izmjeni odluke o usvajanju preporuka za pojednostavljenje administrativnih postupaka broj:02-49-2-1570-16/10 od 06.11.2018. godine.

Član 3.

Ova Odluka stupa na snagu od dana potpisa a ista će biti objavljivanja u „Službenom glasniku općine Tešanj“.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-1-98/22

Datum: 21.01.2022. godine

Na osnovu člana 6. stav 3. Zakona o državnoj službi Federacije Bosne i Hercegovine ("Službene novine Federacije BiH" broj 29/03, 23/04, 39/04, 54/04, 67/05, 8/06 i 4/12), a u vezi sa članom 1. i 2. Zakona o preuzimanju zakona o državnoj službi u Federaciji BiH („Službene novine Zeničko-dobojskog kantona“ broj 9/10), člana 6. Zakona o namještenicima u organima državne službe u FBiH ("Službene novine Federacije BiH" broj 49/05), člana 15. stav 1. tačka 8. Zakona o principima lokalne samouprave („Službene novine FBiH“ broj 49/06), člana 30. stav 1. tačka 12. Statuta Općine Tešanj ("Službeni glasnik Općine Tešanj" broj 11/07), Odluke o organizaciji općinske uprave broj 02-02-1-2611/13 od 30.09.2013. godine, Odluke o dopuni Odluke o organizaciji općinske uprave broj 02-02-1-2611-2/13 od 12.02.2015. godine i Odluke o dopuni Odluke o organizaciji općinske uprave broj 02-02-1-2611-3/13 od 30.3.2021. godine, Općinski načelnik donosi

P R A V I L N I K

o izmjenama i dopunama Pravilnika o unutrašnjoj organizaciji općinskih službi Općine Tešanj

Član 1.

Ovim pravilnikom vrše se izmjena Pravilnika o unutrašnjoj organizaciji općinskih službi Općine Tešanj broj 02-02-1-2750-16/13 od 9.6.2020. godine (Službeni prečišćeni tekst), Pravilnika o izmjenama i dopunama Pravilnika o unutrašnjoj organizaciji općinskih službi Općine Tešanj broj 02-02-1-2750-17/13 od 20.10.2020. godine, Pravilnika o izmjenama i dopunama Pravilnika o unutrašnjoj organizaciji općinskih službi Općine Tešanj broj 02-02-1-2750-18/13 od 6.4.2021. godine, Pravilnika o izmjenama i dopunama Pravilnika o unutrašnjoj organizaciji općinskih službi Općine Tešanj broj 02-02-1-2750-19/13 od 29.4.2021. godine, izmjenama Pravilnika o unutrašnjoj organizaciji općinskih službi Općine Tešanj broj 02-02-1-2750-20/13 od 23.7.2021. godine i Pravilnika o izmjenama i dopunama Pravilnika o unutrašnjoj organizaciji općinskih službi Općine Tešanj broj 02-02-1-2750-21/13 od 31.8.2021. godine – u daljem tekstu Pravilnika briše se član 24. i 25.

Član 2.

U članu 27. tačka 17. opis radnog mjesta Referent za dostavu pošte i zajedničke poslove, alineja: „-koordinira rad pomoćnog osoblja na održavanju higijene u prostorijama općinskog organa uprave“

mijenjaju se i glasi:

- „po potrebi vrši poslove portira, odnosno upućuje korisnike usluga i brine o redu u unutrašnjem dijelu objekta“.

Član 3.

U članu 30. iza tačke 4. dodaje se tačka 4a. koja glasi:

„4a. STRUČNI SAVJETNIK ZA POSLOVE TREZORA

Opis poslova:

- priprema, ažurira i objavljuje podatke Registra budžetskih korisnika Općine,
- vrši izradu i praćenje realizacije operativnih budžeta budžetskih korisnika i općinskih službi, sa planom novčanih tokova,
- vrši izradu rezervacija i narudžbenica u modulu softvera za budžet, računovodstvo i rezervacije, uz uparivanje - rasknjižavanje istih u modulu za KUF,
- prati raspoloživost sredstava na budžetskim pozicijama i obavještava nadležne službe o istom,
- priprema izjavu o fiskalnoj odgovornosti sa prikupljanjem potrebne dokumentacije,
- vrši upravljanje neangažovanim sredstvima i imovinom Općine,
- prati otplatu duga, izdavanje garancija i nova zaduživanja,
- učestvuje u izradi nacрта i prijedloga odluka i drugih akata iz nadležnosti Službe,
- učestvuje u radu komisija, radnih timova i grupa,
- obavlja i druge poslove po nalogu nadređenog službenika.

USLOVI: VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ECTS bodova - ekonomski fakultet, 3 godine radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije.

BROJ IZVRŠILACA: 1

SLOŽENOST POSLOVA: Najsloženiji

Ovi poslovi predstavljaju poslove osnovne djelatnosti i svrstavaju se u grupu studijsko-analitičkih.“

Iza tačke 13. dodaje se tačka 14. koja glasi:

„14 STRUČNI SARADNIK ZA UPRAVNO PRAVNE POSLOVE

Opis poslova:

- rješava zahtjeve u putnoj i komunalnoj oblasti (raskopavanje javnih površina, priključci na lokalnu i nekategorisanu cestu, privremeno korištenje javnih površina/putnog pojasa za radove, objekte, instalacije, i dr.),
- rješava pojedinačne zahtjeve i vrši regulisanje saobraćaja na putnoj mreži Općine,
- kreira i ažurira bazu podataka za potrebe održavanja infrastrukture i pravi izvještaje o realizaciji istih,
- rješavanje po žalbama u svim upravnim postupcima komunalne naknade,
- priprema dokumentaciju za pokretanje postupka naplate komunalne naknade,
- inicira pokretanje postupaka iz nadležnosti Službe kod drugih državnih organa i institucija,
- poslovi u oblasti upravljanja i održavanja zajedničkih dijelova zgrade (vođenje registra zgrada i upravitelja, raspisivanje javnog poziva, imenovanje upravitelja),
- učestvuje u izradi nacрта i prijedloga odluka i drugih akata iz nadležnosti Službe, učestvuje u radu komisija, radnih tijela i grupa,
- obavlja i druge poslove po nalogu nadređenog službenika.

USLOVI: VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 180 ECTS bodova - pravni fakultet, 1 godina radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije.

BROJ IZVRŠILACA: 1

SLOŽENOST POSLOVA: Složeni.

Ovi poslovi predstavljaju poslove osnovne djelatnosti i svrstavaju se u grupu poslova upravnog rješavanja.“

Član 4.

U članu 31. u tabelarnom pregledu dodaju se tačka 4a. i 14. koje glase:

R. br	Naziv radnog mjesta	Broj izvršilaca	Stepen stručne spreme	Uslovi za vršenje posla	Složenost poslova
4a	Stručni savjetnik za poslove trezora	1	VSS	VSS - VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 240 ECTS bodova - ekonomski fakultet, 3 godine radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije.	Najsloženiji
14	Stručni saradnik za upravno pravne poslove	1	VSS	VSS - VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova - pravni fakultet, 1 godina radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije.	Složeni

Član 5.

U členu 33. u tački 7. kod radnog mjesta Viši referent za provođenje promjena u katastru zemljišta kod broja izvršilaca broj „2“ zamjenjuje se brojem „3“

U tački 11. kod radnog mjesta Stručni savjetnik za prostorno planiranje i iurbanizam uslovi i broj izvršilaca mijenja se i glasi:

„USLOVI: VSS - VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ECTS bodova – iz oblasti urbanizma, arhitekture, građevinarstva, regionalnog i prostornog planiranja, 3 godine radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije.

BROJ IZVRŠILACA: 3“

Član 6.

U členu 33. tačka 7. Viši referent za provođenje promjena u katastru zemljišta kod broja izvršilaca broj „2“ zamjenjuje se brojem „3“.

Član 7.

U členu 34. u tabelarnom pregledu mijenja se tačke 7. i 11. koje glase:

R. br	Naziv radnog mjesta	Broj izvršilaca	Stepen stručne spreme	Uslovi za vršenje posla	Složenost poslova
7.	Viši referent za provođenje promjena u katastru zemljišta	3	SSS	SSS (IV stepen) – gimnazija, godetski ili građevinski smjera ili drugo tehničko zanimanje, 10 mjeseci radnog iskustva nakon sticanja odgovarajuće školske spreme, položen stručni ispit za rad u organu uprave; poznavanje rada na računaru, položen vozački ispit za vozača "B" kategorije.	Djelimično složeni
11	Stručni savjetnik za prostorno planiranje i iurbanizam	3	VSS	VSS - VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ECTS bodova – iz oblasti urbanizma, arhitekture, građevinarstva, regionalnog i prostornog planiranja, 3 godina radnog staža nakon sticanja odgovarajuće školske spreme i položen stručni ispit; poznavanje rada na računaru i položen vozački ispit za vozača "B" kategorije	Najsloženiji

Član 8.

U členu 36. tačka 5. mijenja se i glasi:

STRUČNI SAVJETNIK - STARJEŠINA PROFESIONALNE VATROGASNE JEDINICE

- organizira i osigurava provođenje operativnog - stručnog rada jedinice;
- osigurava provođenje intervenciske spremnosti jedinice;
- vodi i komanduje jedinicom u toku vatrogasnih i drugih intervencija;
- učestvuje u planiranju, organiziranju i provođenja preventivnih mjera zaštite od požara, te dugih mjera zaštite i spašavanja;
- organizira i rukovodi akcijama spašavanja ljudi i materijalnih dobara ugroženih požarima i drugim prirodnim nepogodama;
- organizuje i vodi propisane evidencije;
- odgovoran je za provođenje mjera zaštite na radu u jedinici;
- odgovoran je za operativnu spremnost i gotovost jedinice;

- odgovoran je za disciplinu i urednost pripadnika vatrogasne jedinice, kao i čistoću i urednost vatrogasnog doma;
- odgovoran je za blagovremenu i kvalitetnu primoredaju smjene što ovjerava potpisom;
- rukovodi upotrebom združenih jedinica u akcijama zaštite i spašavanja ljudi, materijalnih, kulturnih i drugih dobara u skladu sa Zakonom;
- učestvuje u izradi Procjene ugroženosti i Plana zaštite od požara, te Odluke o zaštiti od požara i odgovoran je za njihovo redovno ažuriranje;
- učestvuje u stručnoj obuci i osposobljavanju uposlenika, kao i stručnoj i praktičnoj buci građana iz oblasti zaštite od požara, po usvojenom programu;
- pruža stručnu pomoć drugim subjektima u cilju otklanjanja nedostataka u oblasti zaštite od požara;
- kontrolira ispravnost sredstava i opreme;
- saraduje sa drugim organima i službama po pitanju zaštite od požara;
- učestvuje u izradi planova, pravilnika, elaborata i zapisnika iz oblasti zaštite od požara,
- odgovoran je za rad servisa vatrogasnih aparata;
- koordinira rada sa dobrovoljnim vatrogasnim društvima;
- vrši i druge poslove po nalogu Općinskog načelnika i rukovodioca Službe civilne zaštite.

USLOVI: VSS – VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ETC bodova oblasti zaštite od požara, sigurnosti ili tehničkih struka, 3 godine radnog staža, uključujući 3 godine radnog iskustva u vatrogasnim jedinicama, bez obzira u kojoj stručnoj spremi, te položen ispit za rukovodioca akcije gašenja požara, poznavanje rada na računaru i položen vozački ispit za „B“ kategoriju.

BROJ IZVRŠILACA: 1.

SLOŽENOST POSLOVA: Najsloženiji.

NAPOMENA: mandat (4) četiri godine.

Ovi poslovi predstavljaju dopunske poslove osnovne djelatnosti i svrstavaju se u stručno-operativni poslovi.“

U tački 9. kod radnog mjesta referent-vatrogasac u uslovima broj „10“ zamjenjuje se brojem „6“.

Član 9.

U članu 37. u tabelarnom pregledu tačka 5. mijenja se i glasi:

R. br	Naziv radnog mjesta	Broj izvršilaca	Stepen stručne spreme	Uslovi za vršenje posla	Složenost poslova
4a	Stručni savjetnik - Starješina profesionalne vatrogasne jedinice	1	VSS	VSS – VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ETC bodova oblasti zaštite od požara, sigurnosti ili tehničkih struka, 3 godine radnog staža, uključujući 3 godine radnog iskustva u vatrogasnim jedinicama, bez obzira u kojoj stručnoj spremi, te položen ispit za rukovodioca akcije gašenja požara, poznavanje rada na računaru i položen vozački ispit za „B“ kategoriju.	Najsloženiji
9	Referent - vatrogasac	8	SSS	SSS - odgovarajuće struke tehničkog smjera (vatrogasne, građevinske, metalske, hemijske, elektrotehničke, šumarske ili drugi smjer tehničke struke) 6 mjeseci radnog iskustva, položen ispit za profesionalnog vatrogasca	Jednostavni

Član 10.

U članu 39. u tački 10. kod radnog mjesta viši referent – matičar mijenja se broj izvršilaca, odnosno broj "5" zamjenjuje se brojem „6“.

Briše se tačka 10a. koja glasi „Viši samostalni referent – matičar“.

Tačka 16. mijenja se i glasi:

„16. VIŠI REFERENT ZA ADMINISTRIRANJE SISTEMA I POMOĆNE POSLOVE JAVNIH NABAVKI

Opis poslova:

- dnevno administrira informacijski sistem,
- vrši održavanje, servisiranje i popravke na informacionom sistemu,
- podržava instalaciju sistemskog i aplikativnog softvera,
- administriranja i održava *Docunova2* sistem,
- koordinira rad sa svim korisnicima računara,
- setovanje i održavanje LAN mreže,
- vrši backup – elektronsko arhiviranje podataka,
- učestvuje u poslovima kompjuterskog praćenja i prezentovanja podataka,
- učestvuje u realizaciji obuka iz oblasti informatičkih znanja za korisnike sistema,
- obavlja poslove vezane za direktne sporazume u okviru javnih nabavki uz saradnji i nadzoru stručnog savjetnika za javne nabavke,
- obavlja i druge poslove po nalogu Načelnika ili drugog nadređenog službenika.

USLOVI: SSS – IV stepen, informatičkog smjera ili zvanje programer, 10 mjeseci radnog iskustva u struci nakon sticanja odgovarajuće školske spreme, položen stručni ispit; Poznavanje rada na računaru i položen vozački ispit za vozača "B" kategorije

BROJ IZVRŠILACA: 1

SLOŽENOST POSLOVA: Djelimično složeni.

Ovi poslovi predstavljaju dopunske poslove osnovne djelatnosti i svrstavaju se u grupu administrativno-tehnički.“

Tačka 18. kod radnog mjesta stručni savjetnik za upravljanje razvojem, uslovi za obavljanje radnog mjesta mijenjaju se i glase:

„Uslovi: VSS - VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ECTS bodova – fakultet tehničkog smjera, 3 godine radnog staža u struci nakon sticanja odgovarajuće školske spreme, položen stručni ispit; poznavanje rada sa paketom Office, posebno excel i prezentacije, položen vozački ispit za vozača "B" kategorije.“

Član 11.

U članu 40. u tabelarnom pregledu tačka 10a. briše se, a tačke 10., 16. i 18 mijenjaju i glase:

R. br	Naziv radnog mjesta	Broj izvršilaca	Stepen stručne spreme	Uslovi za vršenje posla	Složenost poslova
10	Viši referent - matičar	6	IV	USLOVI: SSS (IV stepen) – ekonomski, administrativni ili upravni tehničar ili završena gimnazija, 10 mjeseci radnog staža/radnog iskustva, položen stručni ispit za rad u organu uprave i položen poseban ispit za matičara poznavanje rada na računaru i položen vozački ispit za vozača "B" kategorije	Djelimično složeni
16	Viši referent za administriranje sistema i pomoćne poslove javnih	1	SSS	SSS – IV stepen, informatičkog smjera ili zvanje programer, 10 mjeseci radnog iskustva u struci nakon sticanja odgovarajuće školske spreme, položen stručni ispit; Poznavanje rada na računaru	Djelimično složeni

	nabavki			i položen vozački ispit za vozača "B" kategorije	
18	Stručni savjetnik za upravljanje razvojem	1	VSS	VSS - VII stepen stručne spreme ili visoko obrazovanje prvog, drugog ili trećeg ciklusa obrazovanja koje se vrednuje sa najmanje 240 ECTS bodova – fakultet tehničkog smjera, 3 godine radnog staža u struci nakon sticanja odgovarajuće školske spreme, položen stručni ispit; poznavanje rada sa paketom Office, posebno excel i prezentacije, položen vozački ispit za vozača "B" kategorije.	Najsloženiji

Član 12.

Ovaj Pravilnik stupa na snagu danom donošenja.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Brj: 02-02-1-2750-22/13

Datum: 10.1.2022. godine

S A D R Ź A J

I - AKTI OPĆINSKOG VIJEĆA

Strana

1.	Odluka o utvrđivanju javnog interesa za izgradnju bunara PEB-5.....	1
2.	Rješenje o imenovanju 3 (tri) člana Općinske izborne komisije – izjašnjavanje.....	2
3.	Odluka o objavljivanju javnog oglasa za imenovanje jednog člana Općinske izborne komisije.....	3
4.	Zaključak_Izveštaj o realizaciji Plana kapitalnih ulaganja za 2021. godinu.....	5
5.	Zaključak_prijedlog vijećnika Kršić Bobaba na Izveštaj o realizaciji Plana kapitalnih ulaganja.....	5
6.	Zaključak_prijedlog vijećnika Kršić Bobaba na Izveštaj o realizaciji Plana kapitalnih ulaganja.....	5
7.	Zaključak_Izveštaj o radu Općinskog pravobranilaštva za 2021. godinu.....	6
8.	Zaključak_Izveštaj Općinskog načelnika za 2021. godinu.....	6
9.	Zaključak_Informacija o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2021. godinu.....	6
10.	Zaključak_prijedlog vijećnika Kurdić Adema na Informaciju o stanju bezbjednosti.....	6
11.	Zaključak_Informacija o stanju u poljoprivredi i realizaciji Programa novčanih podsticaja u 2021.g.	6
12.	Zaključak_Informacija o isporuci toplotne energije JP Toplana Tešanj u sezoni 2021/22.....	7
13.	Zaključak_prijedlog vijećnika Deljkic Nermina na Informaciju o isporuci toplotne energije.....	7
14.	Zaključak_prijedlog vijećnika Hasanbašić Senada na Informaciju o isporuci toplotne energije.....	7
15.	Zaključak_prijedlog vijećnika u vezi Informacije o isporuci toplotne energije.....	7
16.	Zaključak_prijedlog vijećnika Hodžić Enesa na Informaciju o isporuci toplotne energije.....	7
17.	Zaključak_prijedlog vijećnika Hodžić Enesa na Informaciju o isporuci toplotne energije.....	8
18.	Zaključak_prijedlog vijećnika Hodžić Enesa na Informaciju o isporuci toplotne energije.....	8
19.	Zaključak_Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama.....	8

II - AKTI OPĆINSKOG NAČELNIKA

1.	Odluka o prihvatanju preporuka iz izvještaja o mehanizmima dobrog upravljanja i implementaciji prioriternih mjera u Općini Tešanj.....	8
3.	Odluka o izuzimanju od primjene Zakona o javnim nabavkama.....	9
4.	Odluka o izmjeni usvojenih skraćenih rokova.....	10
5.	Pravilnik o izmjenama i dopunama Pravilnika o unutrašnjoj organizaciji općinskih službi Općine Tešanj.....	13